

職方典第七百三十五卷

鎮江府部彙考十一

鎮江府兵制考

府志

本府

鎮海將軍都統八旗大營 順治十六年九月因海警焚陷南北郡縣復設重鎮命固山額真劉之源掛鎮海大將軍印統八旗官兵共甲二千副左右二路水師隨八旗駐鎮江鎮守沿江沿海地方城內圈西南文昌儒林黃祐懷德等坊居民房屋分派八旗屯駐

安南將軍八旗大營 康熙十三年五月命內大臣和碩額駙石華善掛安南將軍印統八旗官兵共甲二千駐京口丹徒縣鄉紳士民請於督撫郡縣預捐輸銀建營房一千五百間於北固山下演武場左右屯駐

提督營 順治十四年以提督漢兵昂邦章京管効忠鎮京口屯演武場

左路水師總兵營 順治十六年九月左路兵二千圈西城外陽彭山左右民房屯駐後移駐

右路康熙十年移駐江陰縣

右路水師總兵營 順治十六年九月右路兵二千圈城外西北演武場左右民房與舊營房屯駐復移駐左路康熙十年移鎮瓜洲留守備一員兵五百屯大港鎮

隨旂營 順治十六年九月調防各路綠旂兵馬四千遊擊守備八員隨八旂圈城西北東三門外民房屯駐

圖山營 仍明制改把總設守備一員駐防大港鎮後因海警移屯京口通計沙船唬船三百隻建廠高資港地方

巡江營 順治初與圖山營並隸提督操江標下後裁操江改隸總督標下屯駐京口江上

城守營 順治二年五月設總兵官四年改爲副總兵康熙四年又改爲城守叅將其始住民間房屋順治七年在城各坊居民照房派銀買總兵府前後民房不足又於倉基空地建造營房與兵居住總兵官初居總鎮府十六年八旂圈坊副總兵楊廷機遂移居大市口

衛 設守備一員千總四員統屯丁以運糧艘

演武場在北固山下卽明教場康熙七年重建官廳築將臺總兵官侯襲爵書額

戰船京口戰船爲防海而設原係江寧蘇松常鎮揚州六府三十六州縣承造承修緣修造事務弊害多端康熙十年允工科給事中李宗孔請於六府府佐及八旗官員內各委廉能官員在鎮江駐防之地修造奉

旨督撫遂保舉蘇州府海防同知魯超駐京口專理船政康熙二十年總督阿鎮海將軍楊疏請奉裁 墩臺附

一區三都三四圖 銀山墩坐落銀山頂 寶蓋墩坐落費家港 七里墩坐落錢家

港 窑灣墩坐落七里港

二區三都八圖 樂亭墩坐落樂亭鋪

二區十三都一圖 永豐墩坐落破橋 洪迅墩坐落洪迅鋪 吳山墩坐落馬步橋

二區十三都二圖 炭渚墩坐落炭渚

二區十三都三圖 劉灣墩坐落大四口 化山墩坐落高資營

十一區二十二都一圖五圖

木峯樓一座坐落本都二圖郭家港前

十一區二十二都二圖

郭家墩坐落郭家港

十一區二十二都六圖

蕭連墩坐落蕭家港

十一區二十一都七圖

新連墩坐落蔡家港

十一區二十二都九圖

朱秀墩坐落祁家港

十一區二十二都十一圖

木峯樓一座坐落劉線港

金壇墩坐落劉線港

三聖

墩坐落盪網洲羅家港

十一區二十二都十二圖

趙港墩坐落趙家港丹徒縣半座丹陽縣半座

十一區二十二都十三圖

化昇墩坐落莫家港

鎮江府物產考

府志

穀屬

稻有秈有稭秈之種又有大小土人謂大稻秈小稻秈大稻之種十六

黃粟唐地理志潤

州土貢黃粟今無此種

麥有大小大麥之種春自十月至正月皆可種又有蕎麥秋花冬

實亦堪食旱歲種之

豆有大小大豆色有青黑黃紫褐名有鴈來青鴈來枯癩黃半下黃

鐵殼黃香珠茶褐萼薺白果牛啃莊早綿青烏豆水白豆馬鞍豆小豆亦有赤豆綠豆小黑豆

白豆龍爪豆飯豆紅黑豆佛指豆十六粒豆蠶豆黑白蘊豆刀豆

胡麻俗呼脂麻亦曰

油麻亦曰巨勝葉曰青蕒莖曰麻藍有遲早二種黑白赤三色其莖皆方故亦名方莖道家有

胡麻飯卽此

花屬

杜鵑在鶴林寺高丈餘相傳唐貞元中有外國僧自天台鉢盂中以藥養根來種之每春末開時或窺二女子來游花下俗傳花神也其後有殷七七者名文祥又名道筌周寶鎮浙西七七到郡寶一日謂七七曰鶴林之花天下奇絕嘗聞能開非時花今重九將近能開此乎七七曰可乃前二日往花所其夜聞女子來曰妾爲上帝司此花今與道者開之然此花不久當歸閬苑矣晨起花漸破蕊九日盛開如春寶驚異燕賀累日後因兵火焚寺根株不存按樂天東坡

詩註并容齋隨筆所載皆云山石榴映山紅山躑躅卽此花也宋咸淳八年寺僧慶清迺以躑躅補其舊迪功郎光州司戶叅軍朱正國作記刻石未幾枯瘁元延祐丙辰里人戈道恭家圃有此花乃移植故處 玉藥在招隱山唐李衛公寄沈大夫詩云玉藥天中樹金闕昔共窺

落英閒舞雪密葉乍低帷舊賞烟霄遠前歡歲月移今來想顏色還似憶瓊枝注此花吳人不識因予賞玩乃得此名內苑沈大夫閣前有此花每花落空中旋回久之方積庭砌暇嘗邀予同賞宋蔡寬夫詩話載此詩云碑今裂爲四段在通判廳中而招隱無復此花矣 玉蘭出

馬跡山紫府觀其花表裏瑩白如玉香如蘭不根而植不蒔而花開時多於春暮過者以爲瑞宋淳祐間忽開郡守李迪作詩歌之 牡丹人家園亭中多種之其品不一王彥詔鶴林故

居千葉者號淺粧紅

芍藥土人謂之草牡丹府治舊有芍藥亭劉貢父芍藥譜有茅山冠

子紫樓子茅山紅三種

山茶紅白二種有千葉者名寶珠

海棠鐵梗垂絲西府祝家

棠凡四種又一種草本秋生名秋海棠

嚴桂俗名木犀紅者名丹桂有黃白二色

水

木犀叢生其花大類木犀頗香而不甚遠

臘梅有三種圓瓣如白楊者佳尖瓣者名狗蠅

爲下

紫薇俗名怕痒花又名百日紅

辛夷亦名迎春

薔薇有紅紫黃白數色醉

西施倚欄嬌紅木香等名籬落間多野薔薇採其露可爲粉澤

木槿一名木蘭花種不一

朝開暮落土人多以編籬一種花瑩曰中心無紫色者名舜英詩云顏如舜華是也

八仙

狀如瓊花八蝶簇一心有簇聚如碧玉者曰玉蝴蝶

玫瑰有紅白二種紅者香甚可同糖

蜜製食

梔子其花六出其實七稜草經謂之木丹方書謂之越桃釋氏謂薝蔔花千葉者

不結實

木香黃白二色各種叢生白而紫心者尤香

金沙花萼有大小二種大者開

遲而色鮮明小者開早而色殷重

酴醾白及蜜色二種

錦帶王元之易名海仙

迎春類素馨晏同叔詩云淺艷侔鶯羽纖條結兔絲

瑞香其花黃紫二種有紫瓣而綠金

者廬山僧於石上假寐夢中聞異香紛郁覺而逐香氣尋之得此花故又名睡香花其大者名

錦蕤籠

素馨龜山志云舊名那悉茗昔劉王有侍女名素馨其塚上生此花因以得名此

土之所產色黃而無香而閩中所產者則花藥稍大色白而香但枝葉甚相類當別是一種也

罌粟又名御米花紅白二色有雙葉單葉二種一名象穀一名米囊張祐丹陽閒居雜題詩云

碧抽書帶草紅節米囊花

麗春土人呼爲百般嬌

山礬一名鄭花一名七里香黃魯

直山礬花詩序云江南野中有一種小白花本高數尺春開極香野人謂之鄭花王荊公嘗欲作詩而陋其名予請名曰山礬

玉繡毬一蒂而衆花攢聚圓白如流酥故名俞德鄰佩韋

集有賦楊提舉南園玉繡毬花詩

眞珠一名玉屑

木芙蓉蘇子瞻易名拒霜有夏秋

二種

蘭山谷中多有之俗以春花者爲蘭夏花者爲蕙亦有移得閩本者四時著花不同

雖清芬絕塵然非古所謂蘭也鄭漁仲云近世有一種草如茅葉而嫩其根名土續斷其花馥郁故得蘭名悞爲人所賦咏卽此

菊名品甚多大紅爲上本草謂之節華

葵類木樨

心隨日轉花覆其根種黃者子可治產難

蓀卽菖蒲也亦名荃李德裕平泉記芳蓀生茅

山東溪陶隱居稱蓀花紫色生淺水中相傳女仙人錢妙眞所種德裕寄茅山孫鍊師詩云石

上溪蓀發紫茸又有詠茅山芳蓀詩云楚客重蘭蓀遺芳今未歇葉依清淺水花照暄妍節紫

艷映渠鮮輕香含露發離居若有贈暫與幽人折

文官花鎮江范氏所植唐時惟學士院

有之胡翰有贊

水仙本自南方來冬深始芳倘非培植之勤則不花蓋此土近淮氣候稍

寒故也 玉簪一名白鶴又一種花葉小色淺紫名紫鶴 萱草一名鹿葱鹿食九種解

毒草萱其一也又名忘憂孕婦佩其花生男又名宜男北人以爲茹名黃花菜 金燈卽山

慈菰 石竹一名綿竹 凌霄附喬木直上高數丈大紅花盛開紛如列錦花氣觸鼻易

於傷人 金鳳一名鳳仙又曰鳳兒宋慈懿李后小名鳳娘六宮避其諱呼爲好女兒花

紫笑靨丹徒縣圃有此花春開亭名紫香取此 山木瓜按潤州類集劉言史有王侍御莊

山木瓜詩云裊露凝氛紫艷新千般婉娜不勝春年年此樹花開日出盡丹陽郭裏人 雞

冠花色有數種以其形似得名 石菊色紅單葉似洛陽花 百合本草云補中益氣定

心志蒸煮食之和肉更佳搗粉作麵食最益人 郁李卽詩之唐棣爾雅謂之移其花或赤

或白反而後合 剪春羅高尺許花色黃其瓣類剪刀痕 剪秋紗叢生高五六尺緋紅

亦如剪刀狀又名漢宮秋 長春花金黃色似單瓣菊簇起如孟四季開 僧鞋菊以其

形似得名葉爲三桮九月開花 蜜友紅黃色千葉歐陽公牡丹記作標字 黃雀兒土

人用以編籬落花可薦茶

金梅

紫荊

山丹

結香

佛見笑

水紅花

金錢

笑靨

天燭

牽牛

番菊

十姊妹

菓屬

梅花有白有紅實有圓消梅葱管金定梅

桃有緋白二種而白者極少其實之小而先熟

者曰御愛桃曰紅穠離核桃品之佳者曰金桃餅子桃紅葉桃水蜜桃田桃黑黃曰崑崙桃曰

毛桃者品之下也

杏性熱以梅枝接桃樹生者曰杏桃

李丹徒金壇出者佳品目亦

多

櫻桃禮記月令羞以含桃先薦寢廟菓之重品也先諸菓熟許慎曰鶯之所含故曰含

桃

枇杷秋菓冬花春實夏熟味甘核大

來禽亦曰林檎劉攽京口記荆國多林檎

葡萄有青紫二種形亦有圓銳之異

石榴有紅白二種干菓者一名丹若甜者謂之天漿

酸者入藥道家謂三尸酒云三尸得此菓則醉

蓮唐李德裕賦序云金陵城西池有白芙

蓉素萼盈尺皎如霜雪江南梅雨麥秋之後風景甚清漾舟淥潭不覺隆暑與佳客泛玩終夕

忘疲古人惟賦紅蕖未有斯作因以抒思庶得其髣髴焉蓋金陵謂潤州城西淥潭卽放生池

也 藕俗云藕生應月月生一節閏輒益一節花白者藕肥

菱四角三角曰菱兩角曰

菱紅者最早爲水紅菱又有紫色者有青色者味甘平或云其花晝合宵開隨月轉移

茨

土人名爲雞頭爾雅翼云茨花向日菱花背日補中益精開胃助氣蒸曝作粉食之延年

茨菰種水田中似芋而小黃黑色下石淋多食發脚氣癱瘓損齒令人失顏色

葶薺爾雅

云苗似龍鬚而細根如拇指黑色味甘寒可食圖經云服丹石人尤宜此

銀杏土名白果

本草云味甘平主痰動風氣同鰻魚食令人軟小兒食之發驚花夜開晝落

栗枝間綴花

青黃色實有房陶隱居云相傳有人患腳弱往栗樹下食數升便能起行此是補腎之義然宜生啖之觀蘇轍老大自多腰脚病山翁服栗舊傳方之句當知隱居之言不謬種不一有社栗獨顆栗芋栗一種極小土人謂之糠栗亦曰茅栗卽爾雅所謂櫛栗也

柿柿有七絕一壽

二多陰三無鳥巢四無蟲蠹五霜葉可玩六嘉實七落葉肥大味甘寒朱果也種不一大者曰方柿就樹熟者曰樹頭紅有以火煨而熟者曰烘柿以石灰湯燂而熟者曰熅柿小而圓者曰火珠櫛者曰牛櫛柿

橙黃橙綿橙脆橙可食又一種大徑三寸許理麤而皮厚硬者名木

橙不堪食

香櫞亦曰枸櫞氣甚清馥踰年火炒之可治胃氣疾

棗味甘平多食令人

寒熱一種酸棗所謂棘棘類也

梨味甘酸令人寒中

梧桐子煮食脆炒食香留三四

年不壞鼠亦不耗

榧槩本草圖經曰木葉花實酷類木瓜大而黃欲辨之看蒂間別有重

蒂如乳者爲木瓜無此者爲榧槩也又榧槩注云似槩子而小圖經曰榧槩大抵類槩但膚慢多毛味尤甘今此土所產者不過如桃杏大與木瓜殊不相亂

山楂土人謂棠棣又名山

裏果又名茅槩子

瓜屬

西瓜五代史胡嶠隨蕭翰入西夏得其種故名味甘寒療喉痹消暑毒有天生白虎湯之號

甜瓜有綠有黃有花斑香而小者佳皮黃如金大如鵝子者名金瓜止渴除煩熱通三焦壅塞

夏月不中暑氣療口鼻瘡不可多食落水沉者雙頂雙蒂者皆有毒不可食

西瓜皮青長

尺餘觔然如角利腸去煩熱解酒毒

冬瓜生苗蔓下大如斗而長皮厚有毛初生青綠經

霜則白如塗粉除小腹水漲止渴益氣耐老熱者食之佳冷者食之瘦

黃瓜原名胡瓜北

人避石勒諱稱黃瓜因而習稱非月令之王瓜也不益人

絲瓜嫩可供茹枯則去皮與子

以滌器因腹中有絲故名味甜性冷小兒痘初出以近蒂三寸連皮燒存性爲末沙糖調服多者可少亦可治男女惡瘡乳疽疔瘡等病用老者連皮筋子全者燒存性研末三錢蜜調服
木瓜實如小瓜稟得木之正故入肝利筋骨以蜜與糖煎之或作糕俱可食 南瓜一蔓十餘丈實如甜瓜稍扁有稜色紅經霜可採肉色黃本草不載 北瓜俗呼飯瓜

菜屬

菘菜以其隆冬不凋有松之操故名北人呼春不老土名白菜正月中下子謂之看燈菜七八月種至冬盛謂之冬旺菜冬初分種至春生莖旁復生苗作花夏初取其子壓油謂之油菜

芥青芥似菘有毛紫芥莖葉紫子芳辛研末可和食

菠稜劉禹錫云出西域頗陵國頗訛

爲波土人呼爲菠菜

苦蕒詩所謂芑也廣韻江南呼苦蕒吳人呼爲苦蕒可敷蛇蟲咬處

芹一名水英三月八日不可食

韭禮記名豐本一名草鍾乳一名陽起草說文云一種而

久故謂之韭除膾中熱下氣令人能食多食傷神

薺俗名班菜野生味甘氣溫利肝氣和

中其實名薺冥子主明目

薺蒿生水澤中葉似艾青白色

蒿蒿葉如艾花如小菊家

園多種之安心氣消水飲然動風氣薰人心不可多食

葫葵土人名芫葵五葷之一主消

穀通心竅久食令人多忘發口臭小兒禿瘡煎油敷之

薺俗呼薺子醋食之舊志以爲小

蒜誤也似韭葉闊多白無實杜子美詩東比青芻色圓齊玉筍頭是爲菜芝通神安魂魄益氣
續筋骨解毒骨鯁食之卽下有赤白二種白者補而美
蕨搜神記曰郗鑒鎮丹徒二月出

獵有甲士折一枝食之覺心中淡淡成病後生一小蛇懸之屋前漸乾成蕨蓋此物不可生食
也儉歲爲粉亦可療飢
葱有數種有實而秧種者謂之青葱無實而分種者謂之科葱抽

莖高二尺許岐生而作花者謂之樓子葱

蒿萑高三四尺如筍土人謂之蒿筍

蘿蒿

本草名萊菔帶露勿鋤鋤則生蟲下氣消穀解麪毒

胡蘿菔元時始自外國來葉似茴香

根黃味甘香

薺蓬土名光菜亦名甜菜莖灰淋汁洗衣白如玉色

莧有家莧野莧馬

齒莧不可與鼈同食

生菜有二種菜多者謂之盤生極脆嫩不勝烹瀹止可生茹土人用

薦春盤

香菜似薄荷土人採葉以配黃瓜食之香美

薄荷貓食之卽醉大病新瘥人

不可食 蒜張騫使西域時得其種健胃善消穀化肉辟瘟疫氣生食久食傷肝氣損目

瓠有圓長二種圓者去瓢爲瓢名瓠瓠甘匏苦而北土所產多圓土人呼爲靈蘆 茄茄屬

土故甘而善降火一名落蘇 芋一名土芝一名蹲鴟朱晦庵詩所謂沃野無凶年止得蹲

鴟力區種萬葉青深煨奉朝食蓋謂此也其莖可愈蜂螫 蕓俗呼菌子生山中出茅山者

名玉蕓尤勝楊廷秀詩云空山一雨山溜急漂流桂子松花汁土膏鬆暖都滲入蒸出蕓花團

戢戢正謂此也味甘滑間有苦者防蛇毒不可輕食若香蕓生於冬又別一種 山花菜生

巖石間紅瑩可愛味辛爽或云卽防風苗 蓼辛菜土人但以製麪不供蔬茹 甘菊葉

香可茹土人採以薦茶 山藥本名薯蕷初避唐代宗諱豫改名薯藥後避宋英宗諱曜改

名山藥一名玉延黃庭堅詩云能解飢寒勝湯餅略無風味笑蹲鴟茅山有一種形如手掌名

佛掌薯 菰白爾雅謂之筴菱結實乃雕胡黑米也菱內間有黑點卽劉子翬詩所謂秋風

吹折碧削玉茹芳根應傍鵝池發中懷灑墨痕也 紫蘇味辛甘主開胃下食煮汁飲之治

蟹毒面背皆紫者佳 枸杞菜味苦寒莖葉補氣益精除風明目 馬蘭舊志誤馬藍生

水澤味辛可採爲菜茹

黃獨莖蔓花實絕類山藥葉大而小圓根如芋而有鬚味微苦

甘露子莖葉如薄荷而纖弱根狀如蠶故一名地蠶

龍芽根如小指大長寸許潔白生脆

醋瀰作茹

薑三四月種五六月發芽紅嫩如脂名子薑發生後仍攢其旁土取出原種名

母薑存皮性涼去皮性熱入藥用此朱晦庵詩云薑云能損心此謗誰與雪請論去穢功神明

看朝徹

藥屬

芝太元內傳有神芝五種一曰龍仙芝二曰參成芝三曰燕胎芝四曰夜光洞芝五曰白朮玉

芝真誥良常山有熒火芝食之心孔明可夜書又有九莖紫菌銀葛芝

石鍾乳出茅山本

草云有茅山乳者其山土石相雜徧生茅草以茅津相滋乳色稍黑而滑潤謂之茅山乳性微

寒黃精出茅山九蒸九曝服之駐顏陶隱居云爲仙經所貴根葉花實皆可餌服

禹

餘糧本草狀如牛黃重重甲錯其佳處乃紫色泯泯如麴皯之無糝然用之宜細研以水淘取

汁澄之勿令有沙土隱居云茅山鑿地得之極精好乃有紫花靡靡服食用之

石腦本草